

Dat Jymnasium op dä Moltkeplatz hät en lange Tradituon.

Mer schrieev 1819 wie A.W.Scheuten en sin Testament jeschrieeven hät, dat mer en Krieevel möt et Lieehre an en hüejere Schol aanfange sollde.

Vandag es "Moltke" en modern städtisch Jymnasium für Mädshes on Jonges. Tradituon on Innovatiuon habben hee beds ühre Platz.

Dat Jymnasium op "Moltke" sorgt sech besongersch doedröm

- dat die Mädshes on Jonges liere, wat se für ´t Leäve bruuke.
- dat die Mädshes on Jonges liere, selvs tu denke on ieejene Ideen och sägge.
- dat die Mädshes on Jonges liere, Pösskes tu ueverneähme, och wenn et nix doefür jövv.
- dat die Mädshes on Jonges liere, angere tu helpe, wenn die en Nuot send.

Wä 9 Joehr möt Fließ on Iefer op "Moltke" woer, kritt en Zeugnis. Doedren stieeht, dat dä die Uni besöcken dörf.

Jedes Mädshes on jede Jong es angersch. Dröm helpe die Liehrer suo, wie dat für dat enkelne Mädshes on dän enkelne Jong nödig es. Et werd och möt die Eldere jesproeke on möt denne tusaame ueverleit, wat tu duon es, wenn et Probleme jövv.

Die Hauptszaak äver es an "Moltke" dat Liere.

Mer kann op "Moltke" en janze Reeh freäm Sproeke liere.

van de 5. Klass av Englisch off Latien

van de 7. Klass av jillt: hät mer en de 5. Klass möt Englisch aanjefange,
kann mer sech tösche Franzüesisch off Latien
en Sproek utsöcke,

hät mer äver en de 5. Klass möt Latien aanjefange,
mot mer noo Englisch liere.

van de 9. Klass av kann mer noch Franzüesisch doebeeliere.

En de letzte 3 Joehr (Oberstufe) könne sech die jruote Mädshes on Böersch utsöcke, wat se jeär extra liere wolle. Tusaame möt die Ricarde-Huch-Schol en Krieevel werd vüel aanjeboene (Leistungs- und Grundkurse).

Für allerlee Sproeke, Sport, Kunst on Musik jövvt et extra Anjebote (Arbeitsgemeinschaften).

Doetu tällt
Spanisch en de 11. Klass
Volleyball, Basketball on Ieshockey
Senge em Chor on Musik maake em Orchester
Chemie en de 8. Klass on
Informatik für dä Medelbou (Mittelstufe).

Dän Ömjang möt Computer (Informatik) liere es für die Mädshes on Jonges op "Moltke" en jruote Changs für 't laater Leäve.

Mer kann Informatik wähle van de 9. Klass av on en de 11. Klass (Grundkurs).

En de 11. Klass kann mer 2 Weäke lang en Fabrike, Büroos, Krankehüüser on angere Betriebe et Wirke praktisch kenne liere (Beriebspraktikum). Och jövvt et Tipps, wenn mer noe de Scholtiet et Wirke liere will off an en Uni studiere möit.

Bee Tüerkes möt de janze Klass, Exkursiuone noe en Museum, Skifahre liere en de 10. Klass on Studienfahrten en de 3 letzde Joehr (Oberstufe) liere die Mädshes on Jonges net blauß jett Nöies, se liere sech boebee och ongerieen beäter kenne als en de Schol. Och die Liehrer zeije sech doebie dök van en anger Sie.

"Moltke" hät joee Kontakt möt en Jymnasium en Krakau/Polen on en High School en Charlotte/USA.

Jruote helpe Klieene

Die jruote Mädshes on Jonges uut de letzde 3 Joehr (Oberstufe) helpe klindere, die Pösskes enühr Klass üevernoehme hääbe, wenn et Probleme jövvt.

Die Jruote helpe och, wenn Mannschafte em Sport jeäjen en angere Schol spieele.
"Moltke" hät al vüel Priese jehollt.

Moltke Forum

Alle 3 Monnt spreäke prominente Lü op "Moltke" üever Politik, Jeschichte, Wirtschaft off Medizin. Bee die Vürdräg send net blauß Eldere on Liehrer van de Schol enjelaade. Jede Kriewelsche kann komme on sech dat aanhüere.

Projekte

Eldere, Liehrer, Mädches on Jonges van "Motke" maake männig Engajement tusaame.
Minsche für Minsche
Dat Sammele für die Kriewelsche Tafel
Scholfeste weärde orjanisiert
Et jövv't Oevende möt Musik

An "Moltke" jövv't et och ene Förderverein. Dä jriipt die Schol möt Jeld onger de Ärme.

Op Kriewelsch opjeschrieve van Kurt Hausmann